

Responde as seguintes cuestións:

- 1) Cada elemento cultural aglutina unha carga valorativa, información descriptiva e información práctica. Explica en que consiste cada unha delas.
- 2) Cal é a definición de cultura que prioriza a súa dimensión práctica.
- 3) Sinala diferentes tipos de necesidades humanas ante as que temos respostas culturais e pon algún exemplo para cada unha delas.
- 4) Explica o motivo polo que a dimensión práctica da cultura non pode ser estudada deslindando a carga valorativa e a descriptiva dos diferentes elementos culturais. Ou o que é o mesmo indica cal é o motivo polo que un elemento da chamada “cultura material” non pode deslindarse de valores, procedementos e informacións (non materiais) desa mesma cultura.
- 5) Na actualidade xunto cun proceso de homoxeneización cultural se están a reivindicar elementos de culturas non hexemónicas. En moitas ocasións estes non se valoran simplemente polo seu valor simbólico. Explica que outro valor poden ter.
- 6) Actualmente as multinacionais estanse a apropiar (non sempre de xeito lexítimo) de coñecementos producidos ou logrados noutras culturas. Pon algun exemplo para explicar por que lles interesa ese coñecemento.

Solucións:

- 1) Valorativa: o que define e e valora elementos desa realidade distinguindo o perxudicial do beneficioso. Descriptiva: aquilo que define, categoriza e explica a realidade e práctica: aquela información que serve para saber que hai que facer (e como) para aproveitarse do medio ou para solucionar os problemas.
- 2) A cultura é o conxunto de solucións que unha sociedade humana constrúe historicamente en resposta ás súas necesidades.
- 3) .Necesidades biolóxicas: de alimento, abrigo, teito. Necesidades sociais: evitar conflitos, preparar ou educar aos membros do grupo. Necesidades psíquicas: a aceptación, a evasión, a diversión, a expresión creativa, lúdica ou humorística.

- 4) Se entendemos a cultura como o conxunto de solucións que unha sociedade humana constrúe historicamente en resposta ás súas necesidades, consideramos que cada elemento cultural é unha resposta ou solución na que interveñen tanto habilidades e procedementos, como información e categorización da realidade como a súa valoración. Todo xunto constitúe pois unha resposta (dimensión práctica) a un posible problema, aunha necesidade, ou a un desafío. Así tamén os elementos materiais (unha ferramenta, unha edificación ou unha prenda de vestir) integran eses tres niveis non materiais
- 5) O valor de constituir respostas axeitadas para problemas e desafíos actuais. Reivindícanse pola súa vixencia como modelo de vida, de produción, de relacións, etc... tan válido ou máis como as fórmulas occidentais hexemónicas.
- 6) As grandes empresas multinacionais apropiáanse do coñecemento da biodiversidade xa que nel basean a súa forza as ciencias que encabezan a revolución tecnolóxica del século XXI. Este coñecemento é a chave por exemplo para alterar o sistema alimenticio (transxénicos), para promover avances na ciencia médica, para a creación de novos materiais (biomateriais), novas enerxías (biomasa), novas armas biolóxicas, etc.